



ს ა ქ ა რ თ ვ ე ლ ო ქალაქის ფოთის მუნიციპალიტეტის მერია



ბრძანება: ბ42.42222141

თარიღი: 02/08/2022

ქალაქ ფოთის მუნიციპალიტეტის საკუთრებაში არსებული ქონების - შპს „საფეხბურთო კლუბი კოლხეთი 1913“-ის (ს/კ 215137830) 100 პროცენტი წილის ელექტრონული აუქციონით, მართვის უფლებით 49 (ორმოცდაცხრა) წლის ვადით გადაცემის შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „ე.ე“ ქვეპუნქტის, 115-ე მუხლის პირველი პუნქტის, 127-ე მუხლის პირველი პუნქტის, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის, 2014 წლის 8 დეკემბრის, N 669 დადგენილების, ქალაქ ფოთის მუნიციპალიტეტსა და სსიპ ლევან სამხარაულის სახელობის სასამართლო ექსპერტიზის ეროვნულ ბიუროს შორის, 2022 წლის 06 მაისს გაფორმებული N 2000602322 ხელშეკრულების საფუძველზე მომზადებული, N 002893422 ექსპერტის დასკვნის და „ქალაქ ფოთის მუნიციპალიტეტის მერიისთვის, ქალაქ ფოთის მუნიციპალიტეტის საკუთრებაში არსებული ქონების - შპს „საფეხბურთო კლუბი კოლხეთი 1913“-ის (ს/კ 215137830) 100 პროცენტი წილის ელექტრონული აუქციონით, მართვის უფლებით 49 (ორმოცდაცხრა) წლის ვადით გადაცემასთან დაკავშირებით თანხმობის მიცემის შესახებ“ ქალაქ ფოთის მუნიციპალიტეტის საკრებულოს, 2022 წლის 29 ივლისის, N8/62 განკარგულების საფუძველზე

ვბრძანებ

მუხლი 1. გამოცხადდეს ელექტრონული აუქციონი, ქალაქ ფოთის მუნიციპალიტეტის საკუთრებაში არსებული ქონების - შპს „საფეხბურთო კლუბი კოლხეთი 1913“-ის (ს/კ 215137830) 100 პროცენტი წილის მართვის უფლებით გადაცემასთან დაკავშირებით.

მუხლი 2. ქალაქ ფოთის მუნიციპალიტეტის საკუთრებაში არსებული ქონების - შპს „საფეხბურთო კლუბი კოლხეთი 1913“-ის (ს/კ 215137830) 100 პროცენტი წილის საწყისი წლიური მართვის უფლებით გადაცემის საფასური განისაზღვროს 2000.00 (ორი ათასი) ლარით, „ბე“ განისაზღვროს 1000.00 (ერთი ათასი) ლარით, ხოლო ბიჯი განისაზღვროს 100.00 (ასი) ლარით.

მუხლი 3. მართვის უფლებით გადაცემის ვადად განისაზღვროს 49 (ორმოცდაცხრა) წელი, ხელშეკრულების ხელმოწერიდან.

მუხლი 4. განისაზღვროს ელექტრონული აუქციონის დაწყების და დასრულების დრო და თარიღი: 2022 წლის 02 აგვისტოს 17:00 საათიდან, 2022 წლის 16 აგვისტოს 17:00 საათამდე.

მუხლი 5. აუქციონში გამარჯვებულ პირს გადახდილი „ბე“ ეთვლება ხელშეკრულებით გათვალისწინებული ბილო წლის გადასახდელი მართვის უფლებით გადაცემის საფასურის ოდენობაში.

მუხლი 6. ელექტრონულ აუქციონში გამარჯვებული ვალდებულია, ოქმის საფუძველზე, არა უმეტეს 15 (თხუთმეტი) კალენდარული დღის ვადაში, აუქციონატორთან გააფორმოს შესაბამისი ხელშეკრულება.

მუხლი 7. ცნობად იქნეს მიღებული ის გარემოება, რომ ქალაქ ფოთის მუნიციპალიტეტის საკრებულოს, 2022 წლის 29 ივლისის, N8/62 განკარგულების საფუძველზე დამტკიცებულია ქალაქ ფოთის მუნიციპალიტეტსა და ელექტრონულ აუქციონში გამარჯვებულ პირს შორის გასაფორმებელი ხელშეკრულების პროექტი, რომელიც წარმოადგენს წინამდებარე ბრძანების დანართს.

მუხლი 8. წილის მართვის უფლებით გადაცემის საფასური წილის მართვის უფლებით მიმღებმა უნდა გადაიხადოს შემდეგ საბანკო რეკვიზიტებზე: მიმღების დასახელება: ხაზინის ერთიანი ანგარიში, მიმღები ბანკი: სახელმწიფო ხაზინა, ბანკის კოდი: TRESGE22, სახაზინო კოდი: 300423282 (სხვა არაკლასიფიცირებული შემოსავლები).

მუხლი 9. წინამდებარე ბრძანება განთავსდეს სსიპ „სახელმწიფო ქონების ეროვნული სააგენტოს“ ვებგვერდზე www.eauction.ge, რომელიც უზრუნველყოფს ელექტრონული აუქციონის ჩატარებას.

მუხლი 10. ელექტრონული აუქციონის ფორმით მართვის უფლებით გადასაცემი ქონების შესახებ ინფორმაცია განთავსდეს ქალაქ ფოთის მუნიციპალიტეტის მერიის ვებგვერდზე poti.gov.ge.

მუხლი 11. წინამდებარე ბრძანების სსიპ „სახელმწიფო ქონების ეროვნული სააგენტოს“ ვებგვერდზე www.eauction.ge-ზე განთავსება უზრუნველყოს ქონების მართვის განყოფილებამ, ხოლო ინფორმაციის ქალაქ ფოთის მუნიციპალიტეტის მერიის ვებგვერდზე poti.gov.ge-ზე განთავსება უზრუნველყოს საინფორმაციო, საგარეო და საზოგადოებასთან ურთიერთობების განყოფილებამ.

მუხლი 12. აუქციონში გამარჯვებულის გამოვლენის კრიტერიუმად განისაზღვროს მართვის უფლებით გადასაცემ ქონებაზე ყველაზე მაღალი ფასის გადახდა.

მუხლი 13. წინამდებარე ბრძანების შესახებ ეცნობოს შპს „საფეხბურთო კლუბი კოლხეთი 1913“-ს (ს/კ 215137830).

მუხლი 14. ბრძანების შესრულებაზე კონტროლი დაევალოს ქალაქ ფოთის მუნიციპალიტეტის მერიის მდგრადი განვითარებისა და ინოვაციების სამსახურის უფროსს ნინო გვასალიას.

მუხლი 15. ბრძანება შეიძლება გასაჩივრდეს მისი კანონმდებლობით გათვალისწინებული წესით გაცნობიდან ერთი თვის ვადაში, ფოთის საქალაქო სასამართლოში (მის. ქალაქი ფოთი, დავით აღმაშენებლის ქუჩა N 3).

მუხლი 16. ბრძანება ძალაშია ხელმოწერისთანავე.

გამოყენებულია კვალიფიციური
ელექტრონული ხელმოწერა/
ელექტრონული შტამპი



ქალაქ ფოთის მუნიციპალიტეტის მერია-ქალაქ ფოთის
მუნიციპალიტეტის მერი